

Հ Ա Շ Վ Ե Տ Վ ՈՒ Թ Յ ՈՒ Ն

2025Թ. ՓԵՏՐՎԱՐԻ 11-ԻՑ 15-Ը ՂԱԶԱԽՍՏԱՆԻ ՀԱՆՐԱՊԵՏՈՒԹՅՈՒՆ (Ք.

ԱԼՄԱԹԻ) ԳՈՐԾՈՒՂՄԱՆ ԱՐԴՅՈՒՆՔՆԵՐԻ ՄԱՍԻՆ

1. Անունը, ազգանունը, զբաղեցրած պաշտոնը՝

Էդուարդ Հակոբյան - ՀՀ պետական եկամուտների կոմիտեի նախագահ

2. Գործուղման վայրը և ժամկետները՝

Ղազախստանի Հանրապետություն, ք" Ալմաթի, 2025թ. փետրվարի 11-ից 15-ը

3. Հրավիրող կողմը՝

Հրավերը ստացվել է Արժույթի միջազգային հիմնադրամի (International Monetary Fund - IMF) կողմից: Միջոցառումը Կովկասի, Կենտրոնական Ասիայի և Մոնղոլիայի կարողությունների զարգացման տարածաշրջանային կենտրոնի (The Caucasus, Central Asia, and Mongolia Regional Capacity Development Center - CCAMTAC) աշխատանքային ծրագրի մասն է կազմում:

4. Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը)՝

Գործուղման նպատակն է տարբեր երկրների հարկային մարմինների հետ համագործակցության զարգացումը և փորձի փոխանակման հնարավորությունների ընդլայնումը, ինչպես նաև համընդհանուր մարտահրավերներին դիմակայումն ու տարածաշրջանում առկա հարկային խնդիրների կարգավորմանն ուղղված արդյունավետ լուծումների վերհանումը:

Բացի այդ միջոցառումը նպատակ ունի CCAM-ի երկրների հարկային մարմինների ներկայացուցիչների մոտ ձևավորել միասնական մոտեցում հարկային վարչարարության բարելավման շուրջ և նպաստել հավելյալ հարկային եկամուտների հավաքագրմանը:

5. Քննարկված թեմաները՝

Համաժողովի ընթացքում քննարկվել են հարկային ոլորտում համաշխարհային միտումները և այդ համատեքստում տարածաշրջանային ներկայիս իրավիճակը, անդրադարձ է կատարվել

տարածաշրջանային մարտահրավերներին, ինչպես նաև հարկային մարմինների միջև համագործակցության հնարավորություններին: Հաշվի առնելով ժամանակակից միտումները՝ քննարկվել է նաև հարկային վարչարարությունում արհեստական բանականության կիրառմանը, և վերջինիս առաջացրած ռիսկերին և հնարավորություններին առնչվող հարցեր:

6. Հանդիպումները, ելույթները, բարձրացված կամ քննարկված հարցերը՝

Համաժողովի ընթացքում անդրադարձ է կատարվել հարկային և մաքսային ոլորտների համաշխարհային միտումներին, տարածաշրջանային զարգացումներին և մարտահրավերներին, արհեստական բանականության կիրառման հնարավորություններին, ինչպես նաև համագործակցության ընդլայնման հեռանկարներին:

ՀՀ ՊԵԿ նախագահ Էդուարդ Հակոբյանը հանդես է եկել ելույթով և մանրամասն անդրադարձել է վերոնշյալ հարցադրումներին, ինչպես նաև ՀՀ ՊԵԿ և Արժույթի միջազգային հիմնադրամի հետ համագործակցության արդյունքներին:

ՀՀ ՊԵԿ նախագահի տեղակալ Ռաֆայել Գևորգյանը շնորհանդեսով անդրադարձել է Արժույթի միջազգային հիմնադրամի հետ արդյունավետ համագործակցությանը, ընդգծել հարկային վարչարարության ոլորտում ԱՄՀ կողմից իրականացված ծրագրերի արձանագրած դրական արդյունքները և կարևորել նման ծրագրերի շարունակականության ապահովումը:

Այցի շրջանակներում ՀՀ ՊԵԿ պատվիրակությունը երկկողմ հանդիպում է ունեցել ԱՄՀ-ի Ֆիսկալ հարցերի դեպարտամենտի փոխտնօրեն Քեթրին Բայերի և ԱՄՀ-ի CCAMTAC-ի տնօրեն Նորբերտ Ֆունկեի գլխավորած պատվիրակության հետ: Հանդիպմանը քննարկվել են ընթացիկ տեխնիկական աջակցության ծրագրերը և ապագա համագործակցության հնարավորությունները:

7. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը՝

Այցի ընթացքում տեղի ունեցած երկկողմ հանդիպումների արդյունքում ձեռք են բերվել մի շարք պայմանավորվածություններ՝ ՊԵԿ կողմից ներկայացված հարկային և մաքսային

վարչարարության բարելավման նպատակով հնարավոր տեխնիկական աջակցության ծրագրերի իրականացման շուրջ: Մասնավորապես, քննարկվել է մաքսային վարչարարության ոլորտում նոր տեխնիկական աջակցության ծրագրի իրականացման հարցը, որի արդյունքում նախատեսվում է արդիականացնել մաքսային համակարգի ռիսկերի գնահատման գործընթացը: Քննարկվել է նաև հարկային վարչարարության ոլորտում միջազգային հարկման ուղղությամբ տեխնիկական հնարավոր աջակցության տրամադրման հարցը, որը միտված կլինի ՀՀ ՊԵԿ-ում ստեղծվող միջազգային հարկման վարչության կարողությունների զարգացմանը՝ տրանսֆերային գնագոյացման ընթացակարգերի, ֆինանսական հաշիվների վերաբերյալ տեղեկությունների ավտոմատ փոխանակման և այլ ոլորտային կարողությունների զարգացման ճանապարհով: Միաժամանակ պայմանավորվածություն է ձեռք բերվել ԱՄՀ աջակցությամբ իրականացնել տեխնիկական աջակցության ծրագիր հարկային ճեղքի գնահատման նպատակով, ինչպես նաև զարգացնել կարողությունները կատարողականի հիմնական ցուցանիշների գնահատման (Key Performance Indicators - KPI) ուղղությամբ:

8. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները՝

ՀՀ ՊԵԿ կողմից մշտապես բարձր է գնահատվել և գնահատվում միջազգային տարբեր հարթակներում գործընկեր երկրների մասնագիտական կառույցների հետ ոլորտային քննարկումների անցկացումը, մասնավորապես հարկային և մաքսային վարչարարության ոլորտում արդիական և նորարական մեխանիզմների ներդրման համատեքստում:

Միջոցառումը հնարավորություն տվեց ՀՀ ՊԵԿ պատվիրակությանը մասնակցել մի շարք կարևոր քննարկումների տարածաշրջանային երկրներում հարկային և մաքսային վարչարարության բարելավման ոլորտում արդիական հարցերի վերաբերյալ, ներկայացնել ՀՀ ՊԵԿ համապատասխան փորձառությունը և իրականացված բարեփոխումները, ինչպես նաև նույնականացնել միջազգային լավագույն փորձը՝ ՀՀ-ում այն ներդնելու նպատակով: Կարևորում ենք նաև համաժողովի արդյունքում համապատասխան ոլորտի օտարերկրյա գործընկերների և

փորձագետների հետ միջազգային կապերի հաստատումը և ՀՀ ՊԵԿ կողմից առաջարկված
հնարավոր տեխնիկական աջակցության ծրագրերի իրականացումը:

9. Ստորագրությունը, ամսաթիվը:

Էդուարդ Հակոբյան



18.02.2025թ.

Հ Ա Շ Վ Ե Տ Վ ՈՒ Թ Յ ՈՒ Ն

ԳՈՐԾՈՒՄԱՆ ԾԱԽՍԵՐԻ ՎԵՐՋՆԱՀԱՇՎԱՐԿԻ ՄԱՍԻՆ

- 1. Մարմնի անվանումը՝ **ՀՀ պետական եկամուտների կոմիտե**
- 2. Գործողման մասին իրավական ակտի համարը՝ **116-Ա**
- 3. Անունը, ազգանունը, զբաղեցրած պաշտոնը (մասնագիտությունը)

Էղուարդ Հակոբյան ՀՀ ՊԵԿ նախագահ

(թվարկել՝ պատվիրակություն գործուղելու դեպքում)

- 4. Գործողման վայրը՝ **Ղազախստանի Հանրապետություն՝ քաղաք Ալմաթի**
- 5. Գործողման ժամկետները՝ **11.02.2025-15.02.2025թթ.**
- 6. Գործողման ծախսերի ֆինանսավորման աղբյուրը՝ **Հրավիրող կողմի միջոցների հաշվին**

1) իրավիրող կողմի միջոցների հաշվին հատուցվող ծախսերը՝ **ճանապարհածախս, գիշերավարձ, օրապահիկ**
(թվարկել՝ ճանապարհածախս, գիշերավարձ, օրապահիկ և այլն)

2) պետական բյուջեի միջոցների հաշվին հատուցվող ծախսերը
(ՀՀ կառավարության 2005 թվականի դեկտեմբերի 29-ի N 2335-Ն որոշմանը համապատասխան)

(ընդգծել ծախսերի փոխհատուցման տարբերակը)
 ա. փաստացի կատարված ծախսերը հիմնավորող փաստաթղթերի հիման վրա՝ դրանցով սահմանված չափով, բայց ոչ ավելի, քան ցանկով նախատեսված չափերը
 բ. գործողման անհատական իրավական ակտով տվյալ գործողման փաստացի կատարված ծախսերի հատուցման պահանջի համաձայն

Ծախսի տեսակը		Անուն, ազգանուն	Ընդամենը (հազ. դրամ)
Ճանապարհածախս	Ավիաճառայության տեսակը (էկոնոմ դաս, բիզնես դաս)		
	Ավիատոմսի արժեքը (դրամ)	0	0
Գիշերավարձ	Վճարը 1 օրվա համար (արտարժույթով)		
	Վճարը 1 օրվա համար (դրամ)		
	Օրերի քանակը		
	Ընդամենը (դրամ)	0	0
Օրապահիկ	Վճարը 1 օրվա համար (արտարժույթով)		
	Վճարը 1 օրվա համար (դրամ)		
	Օրերի քանակը		
	Ընդամենը (դրամ)	0	0
Այլ ծախսեր	Հակահամաճարակային նմուշառումների վճար		
	Մուտքի արտոնագրի վճար		
	Պաշտոնական պատվիրակությունների սրահից օգտվելու ծախս		
Ընդամենը ծախսեր (հազ. դրամ)		0	0